



KNI A/S-imi kinaassutsimik ersersitsisuun- ngitsumik ilisimasamik ingerlatseqqissin- naanermut politikki

Akuerisaq: 23. september 2021



Imai

1. Siunertaq	2
Imm. 1.....	2
Imm. 2.....	2
2. Kikkunnut atuuppa?	2
3. Kikkut kinaassutsimik ersersitsisuunngitsumik ilisimasamik ingerlatseqqissinnaappat?	2
4. Pissusissamisuunngitsoqarneranik pasitsaassaqaarsimagaanni qanoq nalunaarutiginnittoqartarpa?.....	3
5. Kinaassutsimik isertuussineq.....	3
6. Nalunaarutiginninnermi paasissutissat suut ilanngunneqassappat?.....	4
7. Pisoq qanoq suliarineqassava?.....	4
8. Misissuineq.....	6
9. Nalunaarutiginnittup kinaassusaa qanoq illersorneqarsinnaava?	7
10. Suliamut tunngasut suut nalunaarutigineqartumut inunnullu allanut ilisimatitsissutigineqassappat?	8
11. Paasissutissat inummut tunngasut qanoq pineqartarpat?	9



1. Siunertaq

Imm. 1

Kinaassutsumik ersersitsisuunngitsumik ilisimasamik ingerlatseqqissinnaanermut periarfissiilluni aaqqissuussinermi qulakkeerneqassaaq malitassanik malinninngitsoqartillugu, suliffeqarfissuup aqutsisui aqqutiginaqit, suleqatigineqartulli sumulluunniit attaveqanngitsup paasissutissanik apuussivigineqarsinnaanerat.

Imm. 2

Aaqqissuussinerup sumulluunniit attuumassuteqanngitsunik suliarineqarnissaa qulakkeerumallugu allaffissornikkut suliassartai suliffeqarfiup avataaniit suliarineqartussanngorlugit aqqinneqarpoq.

2. Kikkunntu atuuppa?

KNI A/S-imi sulisut tamarmik aamma KNI A/S-imi siulersuisut kiisalu inuit suliffeqarfiup avataaniittut tamarmik kinaassutsumik ersersitsisuunngitsumik aaqqissuussinermi ilisimasamik ingerlatseqqissinnaanermut periarfissaqarput aammalu kinaassutsumik ersersitsisuunngitsumik ilisimasamik nalunaarutigineqarsinnaapput.

3. Kikkut kinaassutsumik ersersitsisuunngitsumik ilisimasamik ingerlatseqqissinnaappat?

Pissusilersornerit naapertuutinngitsut, unioqqutitsinerit imaluunniit KNI A/S-imut, inuilluunniit ataasiakkaat inuunerannut peqqissusaannullu tunngatillugu, ilungersunartumik unioqqutitsisoqarneranik pasitsaassaqaraanni, assersuutigalugu KNI-p nammineerluni politikkiinik unioqqutitsinerit tunngasut, sulisut nalunaaruteqartarnissaannik kajumissaarneqarput. KNI A/S-imiit naatsorsuutigineqarpoq pisuni matuma kinguliani taaneqartunut tunngasut ilumoortumik pasitsaassaqarfigalugit nalunaarutigineqassasut:

- a) Pineqaatissiissutaasinnaasunut tunngasut, soorlu aningaasanik atornerluinerit, tillinnerit, peqquserlunnerit, peqquserlulluni allagaasiornerit, akiliilluni peqquserlutsitsinerit, nipangiussisussaataitanermik ingasattumik unioqqutitsinerit allallu.
 - a. Naatsorsuuserinermut, naatsorsuuserineri suliffiup nammineq nakkutilliineranut, kukkusersuinerimut aningaasalersuinerimullu tunngasutigut naapertuutinngitsunik pissusilersornerit.
- b) Inatsisitigut aalajangersakkanik suliffiullu nammineq malittarisassaanik annertuumik unioqqutitsinerit kiisalu inatsisitigut pisussaaffinnik malinninnginnerit.
- c) Assigiinngissititsinerit imaluunniit nikanarsaanerit.
- d) Pissuserissaarnissamut malittarisassanik unioqqutitsinerit, assersuutigalugu nukersorniartutut pissusilersornerit, sulisunut allanut sioorasaarinerit imaluunniit kinguaassitutigut kannguttaatsuliorfiginninnerit.



- e) Imigassanik aalakoornartortalinnik ikiaroorunartunillu atuineq pillugu KNI-p malittarisassaanik unioqqutitsinerit, nalunaarutiginninnerlu pissaq unioqqutitsinerup inuup inuuneranut peqqissusaanullu pingaarutilimmik sunniuteqarsinnaappat.

Kinaassutsimik ersersitsisuunngitsumik ilisimasamik ingerlatseqqissinnaanermut politikkami ilaangillat pisut ilungersunanginnerusut, soorlu kiffartuunneqarnermi sullinneqarnermut naammagittaalliutit, imaluunniit pisarisimasat pillugit naammittaalliutit, taakku sumiiffimmi niuertumut imaluunniit KNI-p kiffartuussivianut saaffiginnissutigineqassapput.

Sulisut suleqatigiinnerup iluani ajornartorsiutinik nalaataqartut, aqutsisut aalajangigaannut assigisaanullu tunngatillugu naammagisimaarinninnginnerit kinaassutsimik ersersitsisuunngitsumik ilisimasamik ingerlatseqqissinnaanermut aqqissuussineq atorlugu nalunaarutigineqassanngillat.

Tamakkununga tunngasut aqutissat nalinginnaasut atorlugit qaninnertut pisortarisaq, sulisoqarnermut immikkoortortaarfik imaluunniit sinnisorisaq aqutigalugit saaffiginnissutigineqassapput.

Nalunaarutiginninneq ajunngitsumik isumaqarluni nalunaarutigineqarpat, nalunaarutiginnittoq nalunaarutiginninnerminut tunngatillugu qanoq iliuuseqarfigineqarnissaminut qanorluunniit illersugaavoq.

4. Pissusissamisuunngitsoqarneranik pasitsaassaqarsimagaanni qanoq nalunaarutiginnittoqartarpa?

KNI A/S-imiit inatsilerituut Arctic Law Greenland ApS isumaqatigiissusiorfigineqarnikuupput, taakkulu nittartagaat www.arcticlawgreenland.gl atorlugu KNI-miillu isertaatit atorlugit internetsikkut nalunaarutiginnittoqarsinnaavoq. Saaffiginninnerit kinaassutsimik isertuussilluni pisarput, saaffiginnittullu kinaanera elektroniskimik paasiniaarneqassanani. Eqqartuussissuserisut ilassutissanik allanik apeqquteqarnissaannut e-mailimik attavigineqarsinnaasumik paasissutissiisoqarnissaa kajumissaarutigaarput, nalunaarutiginninnissamulli e-mailimik paasititsinissaq pisariaqanngilaq.

5. Kinaassutsimik isertuussineq

Nalunaarutiginnittut kinaassutsimik isertuussisoqarsinnaavoq, nalunaarutigineqartullu misissorneqarnissaa ajornannginneroqqullugu atimik taasinissaq innersuussutigineqarpoq.

Kinaassutsimik isertuussinissaq aalajangiunneqarsimappat, nalunaarutiginnittup kinaassusaa nittartakkami aqutsisup imaluunniit sullissisusut paasiniaanissaat teknikkikkut ajornarpoq. Naak kinaassutsimik isertuussisoqaraluartoq nalunaarutiginnittup attaveqatiginissaa ajornanngilaq.

Inuit ilaasa kinaassutsiminnik paasitserusuppiarneq ajornerat KNI A/S-imiit paasilluarneqarpoq. Kinaassutsimik isertuussinissaq aalajangiunneqarsimappat, nalunaarutiginnittorlu e-mailimik



attavigineqarsinnaasumik paasissutissiisimappat, eqqartuussissuserisut kinaassutsimillu ersersitsisuunngitsumik ilisimasamik ingerlatseqqissinnaanermut suliaqartut nalunaarutiginnittumut attaveqarsinnaapput.

Kinaassutsimik ersersitsisuunngitsumik ilisimasamik ingerlatseqqissinnaanermut periarfissaq atorlugu nalunaarutiginnineq qarasaasiakkut KNI-p attaveqaasersorneranut atasumiit pisimappat, tamanna KNI-p attaveqaasersorsimaneranit nalinginnaasumik atuinertut nalunaarneqarataannaavoq. Kinaassutsimik ersersitsisuunngitsumik ilisimasamik ingerlatseqqissinnaanermut periarfissaq atorlugu nalunaarutiginnermi nalunaarsorneqarumanngikkaanni nalunaaruteqarneq nammineerluni qarasaasiakkut, imaluunniit qarasaasiakkut/atortorissaarutikkut kikkunnit tamanit atorneqarsinnaasukkut KNI-mut atanngitsukkut pisinnaavoq.

6. Nalunaarutiginninnermi paasissutissat suut ilanngunneqassappat?

Nalunaarutiginninnerup ilumut tutsuiginartuunerata nalilerneqarnissaanut paasissutissat matuma kinguliani taaneqartut assut iluaqutaassapput:

- Nalunaarutiginnittup aqqa, sumi suliffeqarnera attavigineqarsinnaanermullu paasissutissat
- Unioqqutitsinertut pisimanerarneqartumik nassuiaat, unioqqutitsinermilu inuit ilaasut aqqi ilanngullugit, unioqqutitsinerlu ullulerlugu qanga sumilu pisimanagera.
- Taamatut unioqqutitsisoqaratarsimasinnaanerp peqqinnissaa ilimanaateqarpa? Taamatut pisoqaqeratarsinnaanera nassuiaruk.
- Inuit allat KNI A/S-imiittut imaluunniit avataaniittut unioqqutitsineq ilisimavaat imaluunniit ilisimassagaat naatsorsuutigineqarpa? Allaniq ilisimannittoqarpa?
- Pisoq sulisunit, qullersanit siulersuisunillu ilisimaarineqarluni toqqorterniarneqarsimava?
- Unioqqutitsisoqaratarsimasinnaaneranik pasitsaassamut tunngasunik uppernarsaataasinnaasut pappiaqqalluunniit takussutaasinnaasut
- Paasissutissat allat misissueqqissaarnermut iluaqutaasinnaasut qujarunneqassapput

Pingaaruteqarpoq pisumut tunngatillugu pissutsit atuuttut qimannagit nalunaarutiginnissaat isumaliutersuutiginninnerit isummerfiginninnerillu ilanngunnaveersaarlugit.

7. Pisoq qanoq suliarineqassava?

- a) Sullissisussaq eqqortoq

Nalunaarutiginnittoqartillugu nalunaarutigineqartoq eqqartuussissuserisuniit Arctic Law Greenland ApS-imiit innersuussinertalimmik KNI A/S-imut kinaassutsimik ersersitsisuunngitsumik ilisimasamik ingerlatseqqissinnaanermut sulialinnut ingerlateqqissavaa, taakkulu suliaq sukumiisumik misissussavaat, inatsisillu atuuttut tunngavigalugit iliuuserineqartussat pisariaqartut



iliuserineqassapput. KNI A/S-imi kinaassutsimik ersersitsisuunngitsumik ilisimasamik ingerlatseqqissinnaanermut suliaqartut tassaapput:

- Siulersuisut siulittaasuat
- Siulittaasup tullia

Suliassaq tunngaviumik kinaassutsimik ersersitsisuunngitsumik ilisimasamik ingerlatseqqissinnaanermut suliaqartussaasunit suliarineqassaaq, aammali pisut ilaanni sullissisunit allanit matuma kingorna taaneqartunit suliassanngortinneqarsinnaavoq:

Nalunaarutiginninneq uunga tunngappat	Sullissisussaq eqqortoq
KNI-mi pisortaaneq	Siulersuisut siulittaasuat
Kinaassutsimik ersersitsisuunngitsumik ilisimasamik ingerlatseqqissinnaanermut suliaqartussat	KNI-mi pisortaaneq
Siulersuisunut ilaasortat	Siulersuisut siulittaasuat
Siulersuisut siulittaasuat	Siulittaasup tullia
Ersarinngitsut	Tamanna kinaassutsimik ersersitsisuunngitsumik ilisimasamik ingerlatseqqissinnaanermut suliaqartut tamanna eqqartuussissuserisut peqatigalugit aalajangissavaat

Matuma siuliani taaneqartut saniatigut sullissisup nalilersinnaavaa suliap suliarineqarnerata nalaani allat ilanngunneqassanersut, nalunaarutigineqartup suussusaa apeqqutaatillugu, assersuutigalugu sulisoqarnermut immikkoortortaarfik, sullivinni avatangiisinut tunngatillugu sinniisut, IT-qarfik, aningaasaqarnermut immikkoortortaarfik, imaluunniit inatsilerituunik ikiorsertoqassanersoq aalajangerneqarsinnaalluni.

Taamatut attaviginninneq allanut ingerlateqqinneqartussaangilaq, inatsisillu tunngavalugit piumasaqaataangippat, eqqartuussivimmi aalajangiisoqarsimangippat, imaluunniit oqartussat allat aalajangiisimangippata, inuit ilanngunneqartut paasisutissanik ingerlatitseqqusaangillat.

b) Tutsuiginassuseq

Nalunaarutigineqartumik suliaqartussaq aamma inuit allat suliambut ilanngunneqartussat suliamik suliaqarnissaannut tutsuiginarnersut tamarmik nalilernerqartassapput. Taamatut naliliineq tutsuiginassutsimik nalilersuisarnermi piumasaqaatit nalinginnaasut atorlugit pisassaaq. Nalunaarutigineqartumik suliaqartussaq pineqartumut attuumassuteqarpallaarpat suliassaq pisortaanermut, siulersuisut siulittaasuannut kingullertullu siulittaasup tullianut suliakkiutigineqarsinnaavoq.

Illua-tungiusut allat, sulisoqarnermut immikkoortortaarfimmi sulisut, sullivinni avatangiisinut tunngatillugu sinniisut, IT-qarfik, aningaasaqarnermik immikkoortortaarfik imaluunniit atuuffiit



allat suliamut tamarmik attuumassuteqarpallaarpata, suliassaq sapinngisamik sulisumut allamut tunniunneqassaaq.

Kinaassutsimik ersersitsisuunngitsumik ilisimasamik ingerlatseqqissinnaanermut suliaqartut eqqartuussissuserisut avataaneersut qaqugukkulluunniit ilanngullugit suliaqartissinnaavaat, suliap kimit suliarineqarnissaanut aamma tunngatillugu.

Arctic Law Greenland ApS-imiit siullermik nalilerneqassaaq nalunaarutigineqartoq ilumut tutsuiginarnersoq, nalunaarutigineqartullu tutsuiginarnerata misissuivigineqarnissaanut naleqquttunik iliuseqartoqarsinnaanissaanut inassuteqassallutik.

Tassunga atatillugu Arctic Law Greenland ApS-imiit ilaatigut makku naliliivigissavai:

- unioqqutitsisimaneq kinaassutsimik ersersitsisuunngitsumik ilisimasamik ingerlatseqqissinnaanermut nalunaarutigineqarsinnaasutut misissorneqartussatullu suliassaanersoq
- nalunaarutigineqartoq KNI A/S-imi sulisuunersoq, siulersuisuni ilaasortaanersoq, avammut noqqqaasarfiunersoq, siunnersortaanersoq imaluunniit inuit allat KNI A/S-imut attuumassuteqartuunersut aamma
- nalunaarutigineqartoq inummit KNI A/S-imut attuumassuteqartumit nalunaarutigineqarnersoq

Piumasaqaatinut matuma siuliani taaneqartunut nalunaarutigineqartoq eqquutsitsinngippat nalunaarutigineqartoq peerneqassaaq, nalunaarutiginnittorlu innersuunneqassaaq aqutissat eqqortut atorlugit nalunaaruteqassasoq, nalunaarutiginnittulli attavigineqarsinnaanissaminut paasisutissiisimangippat ilisimatitsisoqassanngilaq.

Nalunaarutigineqartup peerneqannginnerani Arctic Law Greenland ApS-imiit kinaassutsimik ersersitsisuunngitsumik ilisimasamik ingerlatseqqissinnaanermut suliaqartut peqatigalugit nalilerneqassaaq unioqqutitsisimaneerit suuneri tunngavigalugit politinut tunniussisoqassanersoq, imaluunniit KNI A/S-imut tunngassuteqarpat misissuisoqaqqittariaqarnersoq.

8. Misissuineq

Nalunaarutigineqartoq tunngavissaqanngitsutut itigartitsissutigineqassanersoq Arctic Law Greenland ApS-imiit nalilerneqassaaq. Nalunaarutigineqartoq imaaliallaannarlugu itigartitsissutigineqarsinnaanngippat taava tunngavissaqartoqarsimassaaq.

Nalunaarutigineqartoq tunngavissaqarsimassappat nalunaarutigineqartup misissuivigineqarnissaa aallartinneqassaaq. Illua-tungiliuttut attuumassutillit allat ilanngunneqarsinnaapput, assersuutigalugu sulisoqarnermut immikkoortortaqaarfimmi sulisut, sullivinni atavatangiisit pillugit sinniisut, IT-qarfik, aningaasaqarnermut immikkoortortaqaarfik inatsisilerituuniillu ikiorteqartoqassappat pisariaqartinneqartut ilanngunneqarsinnaallutik.



Pisariaqalissappat teknikkikkut digitalikkullu uppernarsaatissat qularnaarneqassapput.

Sulisuttaaq apersoneqarsinnaapput kiisalu nalunaarutigineqartoq/nalunaarutigineqartut oqaaseqartinneqarsinnaalluni/-llutik. Uppernarsaatissalli aatsaat qularnaarneqareeraangata apersuinerit ingerlanneqassapput, taakkulu immiunneqassapput imaluunniit imaqarniliamut allanneqassallutik.

Misissuineq tunngavigalugu misissuisoqarsimaneranik nalunaarusiortoqassaaq, tassanilu paasissutissiissutigineqassaaq pissusissamisuumngitsumik pisoqarsimaneranik uppernarsaatissarsisoqarsimansoq.

Nalunaarusiortoqareerpat nalunaarutigineqartup qanoq kinguneqartinneqarsinnaanera sullissisup nalilissavaa. Assersuutigalugu makku kingunerineqarsinnaapput:

- suliap itigartitsissutigineqarnera
- atorfeqarneq pillugu oqaloqatiginninneq
- pissusissanik malinninnissamut kinguneqartitsineq
- soraarsitsineq
- ingerlaannartumik atuutilersumik soraarsitsineq
- politiinut unnerluutiginninneq
- oqartussanut allanut nalunaarutiginninneq

Kinguneqartitsinerit ingerlanneqartussat pissapput nalunaarutigineqartup pisortaata, sulisoqarnermik immikkoortortaqaqarfiup aamma/imaluunniit siulersuisut ilanngunnerisigut.

Pissusissanik malinnittoqarnissaanut suliapq tunngassuteqarpat sumiiffimmi naammagittaalliornissamut aqutissaasut, suliassanngortitseqqinnermiluunniit periusaasut, atorlugit nalunaarutigineqartoq suliassanngortitseqqissinnaavoq, tamatumani atorfeqarnermut atatillugu ilaasortaaffigisat attuumassutilit soorunami aamma eqqartuussiveqarfiit suliassanngortitseqqiineri ingerlatitseqqiivigineqarsinnaallutik.

9. Nalunaarutiginnittup kinaassusaa qanoq illersorneqarsinnaava?

Nalunaarutiginnittup nalunaarutigisamini paasissutissat eqqortuunerinik isumaqarsimasoq ilimagineqarluarpat, nalunaarutiginnittoq nalunaarutiginninnera pissutigalugu pillaatitut akiniarneqassanngilaq, imaluunniit siorasaarneqassanani pillarniarneqassananilu. Inuit piaaralutik ajortumillu isumaqarlutik nalunaarutiginnittut kinaassutsimik ersersitsisuumngitsumik ilisimasamik ingerlatseqqissinnaanermi periarfissamik atuinerminni illersorneqanngillat. Inuit ajortumik isumaqarlutik nalunaarutiginnittut eqqartuussivimmi inuinaat saqitsaannerannut atatillugu imaluunniit pillaassutaasinnaasumik sulianut tunngasutigut kiisalu allaffissornerup iluani kinguneqartitsinertalimmik eqqortumillu pissuseqartoqarnissaanut tunngatillugu malersorneqarsinnaapput, tamatumani atorfeqartinneqarnerup atorunnaarsinneqarsinnaanera aamma pineqarluni.



Nalunaarutiginnittup kinaanera KNI A/S-imiit ilisimaneraluarpat ilisimaneqanngikkaluarpalluunniit nalunaarutiginnittoq akuersitissimatinnagu nalunaarutigineqartumut paasissutissiissutigineqarsinnaanngilaq, tamannalu aatsaat pisinnaalluni inuinnaat saqitsaattarnerat imaluunniit suliani pinerluttulerinermut tunngasunik suliaqartoqartillugu.

10. Suliamut tunngasut suut nalunaarutigineqartumut inunnullu allanut ilisimatitsissutigineqassappat?

a) Suliaq nalunaarutigineqarpat

Siulersuisut siulittaasuat taannaanngippat nalunaarutigineqartoq kinaassutsimik ersersitsisuunngitsumik ilisimasamik ingerlatseqqissinnaanermut periarfissaq atorlugu nalunaartoqarsimaneranik siulersuisut siulittaasuat ilisimatinneqassaaq - nalunaarutigineqartoq imaaliallaannarlugu itigartitsissutigineqarsinnaanngitsutut nalilerneqarpat, nalunaarutigineqartut ilaanni siulersuisut siulittaasuata tullia taarsiullugu ilisimatinneqarsinnaavoq.

Suliaq tunngavissaqanngitsutut nalilerneqarpat, imaluunniit misissuisoqarnissaanut tunngavissaqartoqarpat, tamanna iluatsillugu siulersuisut siulittaasuat ilisimatinneqassaaq.

Nalunaarutigineqartoq tunngavissaqanngitsutut nalilerneqarpat sulisumut nalunaarutiginnittuusumut tamanna ilisimatitsissutigineqassaaq.

Pasitsaanneqartutut nalunaarutigineqartunut tunngatillugu paasissutissat assigiinngitsut nalunaarutigineqartutut inuttaanut nassiunneqassapput. Paasissutissat ilaatigut makkuningga imaqassapput:

- Pasitsaanneqartup pissusilersuutigisimagunagaa
- KNI A/S-imi immikkoortortaqrarfiit nalunaarummik tigusiumaartussat
- Nalunaarutigineqartup inuttaata nalunaarutigineqartut suunerat qanoq paasiarsinnaanera akinissaminullu periarfissaqartoq
- Nalunaarutigineqartoq sunik pisinnaatitaaffeqarnersoq

Nalunaarutiginnittoqareerneranit paasissutissat piaarnerpaamik nassiunneqassapput, kingusinnerpaamillu ullut qulit iluini. Taamatut paasissutissiinermi paasissutissiissutigineqartut pissutigalugit misissuineq sukumiisumik ingerlanneqarsinnaajunnaassappat, imaluunniit uppersaatit pisariaqartut pissarsiarinissaanut ajornakusoortitsilissappata, taama pisoqarsinnaajunnaarnissaata tungaanut paasissutissat tunniunneqarnissaasa kinguartinneqarnissaa periarfissaavoq.

Nalunaarutiginnittoqarnerani nalunaarutigineqartoq kisiat pinnagu, inunnulli allamut aamma tunngassuteqarpat, paasissutissiinissamut tunngasut matuma siuliani nassuiarneqartoq tunngavigalugu inuit pineqartut aamma taamatut ilisimatinneqassapput. Taamatut paasissutissiinermi inuk nalunaarutigineqartoq pillugu ilisimatitsissutigineqassanngilaq.

b) Inuit ilanngullugit nalunaarutigineqartut qanoq pisinnaatitaaffeqarpat?



Nalunaarutigineqartumi inuit ilaatinneqartut, inullu nalunaarutigineqartoq nammineerluni, paasissutissat imminnut tunngasut takunissaannut pisinnaatitaaffeqarput, taamalu ililluni paasissutissat kukkusuusut, eqqoqqissaanngitsuusut, tamakkiisuunngitsuusut imaluunniit pisoqalisimasuusut uppersarneqarsinnaappata paasissutissat paasiniarneqarsinnaassallutik.

Takunnissinnaanermik piunasaqarneq akuerineqarpat inummut tunngatillugu nalunaarsukkat makkuninnga paasitinneqassaaq:

- Suliap siunertaa
- Paasissutissat suut sularineqarnerisut
- Paasissutissat sumut tunniunneqarsimanersut
- Paasissutissat suminngaanneernerinut paasissutissat pineqarsinnaasut tamaasa

Inuup pineqartup paasissutissanik pinnermini tamanut, inuinnarnut imaluunniit suliap paasisaqarfiginissaanut akornutaasinnaappata suliarnut tunngatillugu takunnissinnaanermut pisinnaatitaaffik atuutinngilaq.

c) Misissuinnermit paasisat

Suliamut tunngatillugu misissuinnermi nalunaarusiaq sularineqareerpat inuit pineqartut siulersuisullu siulittaasuat paasisanik ilisimatinneqassapput.

Misissuineq pillugu allat aamma ilisimatittariaqalersinnaapput, soorlu suleqatigisartakkat, oqartussat inatsisinik atuutsitsisussat, assersuutigalugu politiit unnerluussisussaataasullu, oqartussat inatsisiliortuusut, tamannalu pisassaaq inatsisit atuuttut tunngavigalugit.

d) Paasissutissat suut nalunaarutiginnittup tigussavai?

Nalunaarutiginnittup kinaassutsiminik ersersitsinnginnissani qinersimangippagu, kinaassutsimillu ersersitsisuunngitsumik ilisimasamik ingerlatseqqissinnaanermut suliaqartunut attaveqaqateqarniarluni aalangersimappat, nalunaarutigineqartup tiguneqarneranik kiisalu misissuineq naammassineqarpat nalunaaruteqartoq ilisimatinneqassaaq. Kinaassutsimik ersersitsisuunngitsumik ilisimasamik ingerlatseqqissinnaanermut periarfissaq atorlugu nalunaaruteqartoq pissutsit atuuttut suunerinik ilisimatinneqassaaq, inatsisitigullu piunasaqaatit apeqqaatillugit suliamut tunngatillugu imaassinnaavoq nalunaaruteqartoq takunnissinnaassanngitsoq, imaluunniit misissuisimanermi paasisanik paasissutissanik tunineqanngitsoq.

Nalinginnaasumik suliffigisanni sulinerit angalaninnilu sulinerit assigiimmik nalunaarsorneqartarput.

11. Paasissutissat inummut tunngasut qanoq pineqartarpat?



Nalunaarutiginnittoqarneernerani misissuinermit inuit suliamut attuumassuteqarluinnartut kisimik ilanngunneqassapput. Inuit paasissutissanik tiguisussat sapinngisamik ikinnerpaatinniarneqassapput.

Nalunaarutiginninnerit isumannaatsumik uninngatinneqassapput, inuillu ataasiakkaaginaat attuumassuteqartullu kisimik nalunaarusianik pissapput.

Paasissutissat katersorneqartut tunngavigalugit nalunaarutigineqartoq pissusissanik malinnilluarnissamut tunngasunik kinguneqartitsivigineqassapput paasissutissat inutnaanut tunngasunut mappemut ikineqarnissaat sullissisup isumagissavaa.

Inummut paasissutissat kinaassutsimik ersersitsisuunngitsumik ilisimasamik ingerlatseqqissinnaanermut politikki atuuttoq tunngavigalugu suliarineqassapput, nalunaarutigineqartullu misissorneqarnerata nalaani pisariaqartinneqartuuartillugit toqqortaatigineqassapput.

Pissusissamisuunngitsumik pisoqarsimaneranik uppersaatissaqanngippat misissuinerup kinguninngua, kingusinnerpaamilu qaaammatit marluk qaangiunnerini, inummut tunngasut paasissutissat peerneqassapput.

Pissusissamisuunngitsumik pisoqarsimaneranik uppersaatissaqarpat eqqartuussivilersuussinissamut, imaluunniit nalunaarutigineqartumut pissusissanik malinninnissamut kinguneqartitsisoqassapput, imaluunniit nalunaarutiginninneq nalunaarutigineqartumut ajortumik isumaqarluni nalunaarutiginninneruppat, suliamik aallartitsinissamut piffissaliunneqartut assigiinngitsuupput.